

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10), a u skladu sa članom 14. stav 4. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, br. 4/97, 15/97, 6/01 i 8/10), Vlada Zeničko-dobojskog kantona, na prijedlog Nadzornog odbora Agencije za privatizaciju Zeničko-dobojskog kantona, na 77. sjednici, održanoj dana 15.11.2016. godine, d o n o s i

## **ZAKLJUČAK**

### **I**

Prima se na znanje Izvještaj o radu Nadzornog odbora Agencije za privatizaciju Zeničko-dobojskog kantona za 2015.godinu.

### **II**

Izvještaj iz tačke I ovog zaključka upućuje se u dalju skupštinsku proceduru.

### **III**

Zaključak stupa na snagu danom donošenja.

Broj: 02-\_\_\_\_\_/16.

Datum, 15.11.2016. godine

Z e n i c a

**PREMIJER**

*Miralem Galijašević*

DOSTAVLJENO:

1x Agencija za privatizaciju ZDK-a

- Nadzorni odbor,

1x Stručna služba Skupštine Kantona,

1x a/a.



**Nadzorni odbor APZDK-a**

## **IZVJEŠTAJ**

### **O RADU NADZORNOG ODBORA AGENCIJE ZA PRIVATIZACIJU ZENIČKO-DOBOJSKOG KANTONA ZA 2015. GODINU**

U Zenici, oktobar 2016. godine

Nadzorni odbor  
Broj: 15-02-16/16  
Zenica, 27.10. 2016. godine

## **I Z V J E Š T A J**

### **o radu Nadzornog odbora Agencije za privatizaciju Zeničko-dobojskog kantona za 2015. godinu**

#### **I - UVOD**

Odredbama člana 14. stav 1. Zakona o Agenciji za privatizaciju Zeničko-dobojskog kantona („Službene novine Zeničko-dobojskog kantona“, br.: 4/97, 15/97, 6/01 i 8/10) i odredbama člana 19. Statuta Agencije za privatizaciju Zeničko-dobojskog kantona („Službene novine Zeničko-dobojskog kantona“, br. 9/99), regulisano je da, Nadzorni odbor Agencije za privatizaciju Zeničko-dobojskog kantona provodi **nadzor nad zakonitošću rada i finansijskog poslovanja** Agencije za privatizaciju Zeničko-dobojskog kantona.

Skupština Zeničko-dobojskog kantona svojim odlukama imenuje Predsjednika i članove Nadzornog odbora Agencije za privatizaciju Zeničko-dobojskog kantona.

Odlukom Skupštine Zeničko-dobojskog kantona, broj: 01-34-14479/15 od 16.07.2015. godine, koja je stupila na snagu dana 07.08.2015. godine, imenovan je Nadzorni odbor Agencije za privatizaciju Zeničko-dobojskog kantona, u sastavu:

1. Sejid Hajdarević, dipl.ecc., predsjednik
2. Elmir Isaković, mr.ecc., član
3. Senad Halilović, mr.ecc., član

Konstituirajuću sjednicu, Nadzorni odbor je održao dana 10.09.2015. godine, a do kraja 2015. godine održao je ukupno tri sjednice.

U okviru tri sjednice, Nadzorni odbor Agencije je razmatrao ukupno 12 tačaka dnevnog reda, te donio dva (2) zaključka i jednu (1) odluku. Svi zaključci, koji su doneseni na sjednicama Nadzornog odbora, su usvojeni jednoglasno.

#### **II- NADZOR ZAKONITOSTI RADA I FINANSIJSKOG POSLOVANJA**

Nadzor zakonitosti rada i finansijskog poslovanja Agencije za privatizaciju, Nadzorni odbor Agencije za privatizaciju je vršio na slijedeći način:

- 1) Nadzor i kontrola finansijskog poslovanja uvidom u dokumentaciju nastalu finansijskim poslovanjem,
- 2) Posredno-izvještaji, ugovori, odluke, zaključci i drugi dokumenti,
- 3) Metodom slučajnog ili ciljanog uzorka.

##### **1. U vršenju nadzora zakonitosti rada i finansijskog poslovanja, poduzeli smo slijedeće:**

- U cilju utvrđivanja da li Agencija za privatizaciju vodi knjigovodstvo saglasno odredbama Zakona o računovodstvu i reviziji u Federaciji Bosne i Hercegovine („Službene novine FBiH“, br. 83/09) i Uredbe o računovodstvu Budžeta u Federaciji Bosne i Hercegovine („Službene novine FBiH“, br. 87/10), Nadzorni odbor je, Zaključkom, broj: 15-02-11/16 od 28.03.2016.godine, uputio zamolnicu za stručno mišljenje i nalaz Odjela interne revizije Ministarstva finansija ZDK-a. Angažmanom pomenutog Odjela interne revizije bi se izbjegli dodatni troškovi angažmana vanjskog revizora. Nažalost, Nadzorni odbor Agencije nije dobio odgovor po zamolnici.
- Uvidom u dokumentaciju Agencije za privatizaciju Zeničko-dobojskog kantona, Nadzorni odbor Agencije je utvrdio da je poslovanje Agencije za privatizaciju bilo u skladu sa Finansijskim planom za 2015. godinu.

Na bazi utvrđenih obaveza, te ostvarenja zadataka utvrđenih Zakonom o Agenciji, *Nadzorni odbor Agencije je* vršeći kontrolu finansijskog poslovanja Agencije za privatizaciju ZDK-a, *utvrdio*, da je Agencija u posmatranom periodu nastojala:

- obezbijediti sredstva za redovno poslovanje Agencije, i
- sredstva za izmirenje obaveza po pravosnažnim sudskim presudama.

- 1.1. U 2015. godini, finansijsko poslovanje Agencije za privatizaciju ZDK-a je bilo opterećeno izvršnim sudskim rješenjima po predmetima privatizacije „Grill“ d.o.o. Zenica, „Zefarm“ d.o.o. Zenica, te na obezbjeđenju sredstava za pokriće viška rashoda nad prihodima iz 2014. godine u iznosu od 230.599,00 KM.
- Finansijskim planom Agencije za privatizaciju, na koji je Vlada ZDK-a dala saglasnost, planirana su i sredstva ESCROW računa, koja nisu korištena, jer nije obezbijedeno relevantno mišljenje, a na bazi kojeg bi Vlada Zeničko-dobojskog kantona, sredstva sa ESCROW računa transferirala Agenciji za privatizaciju za pokriće troškova evikcije,

## **2. Kontrola primjene zakonske i podzakonske regulative u postupcima prodaje predmeta (poslovni prostori u vlasništvu preduzeća iz nadležnosti Agencije za privatizaciju) putem „male privatizacije“**

Nadzorni odbor Agencije za privatizaciju Zeničko-dobojskog kantona je, u okviru svoje nadležnosti, vršio nadzor primjene zakonitosti u postupcima koje je Agencija za privatizaciju Zeničko-dobojskog kantona provodila u pripremi dokumentacije za objavu javnih poziva za prodaju imovine, putem male privatizacije, koji su u vlasništvu preduzeća iz nadležnosti ove Agencije, a shodno Odluci o neposrednoj pripremi i provedbi male privatizacije („Službene novine Federacije BiH“, br. 78/13) i Odluci o izmjenama Odluke o neposrednoj pripremi i provedbi male privatizacije („Službene novine Federacije BiH“, br. 95/15), čiji je rok za okončanje do 31.12.2018. godine.

U toku 2015. godine objavljena su četiri (4) javna poziva za prodaju predmeta u maloj privatizaciji:

1. J.P. Neposredna pogodba broj 110 za prodaju imovine u vlasništvu preduzeća „Natron“ d.d. Maglaj,
2. JP Aukcija broj 54 za prodaju imovine u vlasništvu preduzeća TP „Nova trgovina“ d.d. Žepče,
3. J.P. Neposredna pogodba broj 111 za prodaju imovine u vlasništvu preduzeća „Natron“ d.d. Maglaj,
4. JP Aukcija broj 55 za prodaju imovine u vlasništvu preduzeća TP „Nova trgovina“ d.d. Žepče.

Nadzorni odbor Agencije je konstatovao, da je Agencija za privatizaciju ZDK-a sve postupke provela u skladu sa zakonskim propisima u samoj pripremi predmeta za objavu javnih poziva, kao i postupke nakon okončanih prodaja koji su rezultirali potpisivanjem ugovora o kupoprodaji.

Nadzorni odbor je utvrdio:

- da od ukupno 9 predmeta po 4 objavljena javna poziva u 2015. godini, uspješno su okončane prodaje za 2 predmeta, a ostale prodaje su bile neuspješne, s tim da su, pojedini predmeti oglašavani više puta.
- troškovi Agencije za četiri objavljena poziva su u iznosu 2.807,00 KM.
- visinu kupoprodajne cijene, pojedinih predmeta za prodaju u maloj privatizaciji, utvrđuje Nadzorni odbor preduzeća u čijem su vlasništvu predmeti prodaje.

Sredstva ostvarena prodajom imovine preduzeća prenose se na račun preduzeća, koja ih usmjeravaju na izmirenje obaveza prema radnicima, te izmirenje obaveza prema drugim povjeriocima.

Ukupno ostvareni finansijski efekti, obuhvataju postignutu kupoprodajnu cijenu, od toga 90% pripada preduzeću čija se imovina prodavala, a 10 % Agenciji za privatizaciju ZDK-a, na ime troškova objave javnih poziva.

2.2. U Registru Agencije za privatizaciju ZDK-a ostala su slijedeća preduzeća sa državnim kapitalom: „rmk promet“ d.d. Zenica, „Nova trgovina“ d.d. Žepče, „Velepromet-maloprodaja“ d.d. Visoko i „Natron“ d.d. Maglaj, te preduzeća iz javne komunalne i veterinarske djelatnosti, čija privatizacija čeka inoviranje odluke o rokovima, metodu i nadležnoj agenciji za privatizaciju, te zakonsko definisanje javnog dobra i dobra u opštoj upotrebi.

Od aktivnih ugovora, u Registru, Agencija za privatizaciju ZDK-a, ima Ugovor po predmetu privatizacije „Velepromet-Zenica“ d.d. Zenica, Kupac „Trgomarket“ d.o.o. Zenica, čije okončanje praćenja čeka imenovanje Upravnog odbora Agencije za privatizaciju Zeničko-dobojskog kantona.

Nadzorni odbor Agencije za privatizaciju, u cilju realizacije određenih aktivnosti smatra za neophodnim, da se imenuje Upravni odbor Agencije za privatizaciju Zeničko-dobojskog kantona.

**Predsjednik Nadzornog odbora**

*Sejid Hajdarević*